

Xcarta Apóstol Pablo huantu tzoknikolh Colosenses

XATAPAJMUJUN TACHIUIIN:

Yumá carta huantu apóstol Pablo tzoknikolh huanti xlipahuankoy Cristo, chu xuilakó c-xacachiquin Colosas, na acxnitiyá tzoknit acxni titzoknikolh mactum litum xcarta huantu timacanikolh filipenses, sampi na antiyá tzoknitanchá acxni xtanuma c-pulachin (4:18).

Yumá xtatzokni Pablo litakalhchihuinankoy colosenses pi ni cacanjlakolh huantu lichihuinankoy yama aksaninanin makalhtahuakananin judíos huanti xuankoy pi yama huanti lipahuankoy Cristo, pala xlicana xlakmaxtuputunkoy xlistacnacán na xlasquinca natililatamakoy xlipacs limapaksín huantu makan quilhtamacú xlacaxuilikonit judíos. Huampi Pablo lacatancs maluloka pi xman hua Cristo huanti mastay laktáxtut, chu huanti lipahuán ni xlasquinca naputzay tanu tu nalipahuán, usu pala aktum limapaksín huantu namakantaxtiy sampi Cristo huanti pacs makantaxtinít huantu quin ni lay makantaxtiyahua laquimpí tlan nalaktaxtuyahu.

Pablo na lichihuinán yumá c-likalhtahuaka lantla xlipacs huanti lipahuankoy, xlacán litaxtukoy pi xtachuná aya tanikonit Cristo, chu na lacxtum talakastakuanankolh calínin caj xpalacata cumu canajlakoy pi xtachuná lantla Dios kalhiy tlanca litlihuaka, chu malakastakuánilh Cristo calínin, pus na kalhiy litlihuaka namaxquikoy yama sasti latámat huantu xlasquinca nakalhikoy laquimpí tlan akstitum nalatamakoy c-xlcatín xtachuná lantla lacasquin.

1 Quit Pablo huanti Dios quilacsacnit laquimpí naclitaxtuy xapóstol, usu xtalakachán Jesucristo, xahua quintalacan Timoteo huanti cmanitizokma yumá carta.
²Ccatzoknimán yumá carta xlipacs huixín xlakskatan Dios huanti lipahuanátit Cristo, chu huilátit c-xacachiquin Colosas. Clacasquin pi Quintlatican Dios xataxajni cacamaxquin xtalakalhamán, chu tlan latámat.

Pablo paxcatcatziniy Dios xpalacatacán

³Ankahlín acxni ccapalacasquinán c-quioracioncán cmaxquiyahu paxcatcatzínit Dios huachá xtlát Quimpuchinacan Jesucristo. ⁴Huá clipaxcatcatziniyahu sampi quin calitakalhchihuinancanítan lantla akstitum lipahuanátit Cristo Jesús, chu lantla na paxquikoyátit xlipacs huanti tapaksinikoy Dios xtachuná lantla huixín. ⁵Huá lipaxquikoyátit

sampi takalhkalhipakótit huantu calikalhipacampítit c-akapún. Huixín tlan milacán tlahuátit yumā huantu nacamaxquicanátit acxni tuncán tzućútit lipahuanátit yama xtalulóktat, chu lipaxuhu xtachihuín huantu mastay laktáxtut. ⁶Huá yumā xalipaxuhu tamacatzínin lantla tlan naakaputaxtuyátit huantu aya calítakal hchihiuñancanítántit, xlicana lacaxtum takahuanima, chu aya tlahuama xtascújut c-xlicatlanca antani chan, chuná lantla tzućulh tasiyuy xtascújut acxni huixín huacu lipahuántit yuma xtachihuín Dios huantu lichihuínán tlanca xtalakalhamán lantla caj lipaxcatcatzínit quincalilakmaxtuputunán, chu canajlátit pi talulóktat yuma xaakstítum tapáxquít huantu xlá mastay. ⁷Sampi yuma tlan talacapastacni huá pulana calítakalhchihiuñán quintalacan Epafras huanti luhua cpaxquiyahu lantla lacxtum quincataliscujnítan xtachihuín Dios. ⁸Pi huatiya Epafras quincalítakalhchihiuñán lantla camapuhuanimán Espíritu Santo laquimpí napaxquikoyátit catíhua.

⁹Chu na chuná quin, hasta acxni quin ccatzihu lantla lapátit ni cmakaxtakahu ankalhín ccapalacasquinán c-quioracioncán, csquinihu Dios pi lihuana nacamacatziniyán xtalacapastacni, chu nacamaxquiyán liskalala laquimpí pacs naakataksátit huantu nacamacatziniyán Espíritu Santo. ¹⁰Na ccapalacasquinán pi tlan akstítum nalatapayátit chuná lantla xliłatamatcán huanti xlicana tapaksinikoy Quimpuchinacán, chu huá ankalhín natzaksayátit huantu xlá lakatiy natlahuayátit, chu quítaxtuy pi namastayátit mintahuacacán c-milatamatcán, sampi xman huá natlahuayátit huantu lacuan tatlahu, chu atzinú lihuana nalakapasátit

xtalacapastacni Dios. ¹¹Quin na csquiniyahu pi cumu xlá kalhiy tlanca xliłihuaka, cacamaxquín tu xlá kalhiy laquimpí tlan napaxuhuanalipinátit, chu natayaniyátit masqui tú nacalakchinán sampi laktlihuakán huixín c-mintacanajlacán, ¹²chu laquimpí lipaxuhu napaxcatcatziniyátit Quintlatican Dios sampi huá lakpalinít milatamatcán laquimpí tlan namaklhtinanapítit yama lipaxuhu latámat antani pacs xkakánat huantu malacnunikonít namaxquikoy xlipacs huanti lacsackonít. ¹³Xlicana pi Dios quincalakmaxtún c-xmacán ti malánán cxlatamatcán huanti paklhtutá latámat, chu antá quincahuilín c-xmacán xatapaxquín Xcam Jesucristo laquimpí huá namalanán c-quilatamatcán. ¹⁴Huachá ti likalhiyahu laktáxtut chu xmatzankananica quintalakalhín.

Acxni Cristo niñh caj quimpalacatacán quincamalacatzuhuín Dios

¹⁵Cumu Dios ni pala chatum ti auxilha lantla xlá, huá Cristo minít masiyuy lantla luhua xtáyat. Xlá liłtaxtuy xtachuná lantla xapuxcu Xkahuasa Dios huanti tamapaksiy pacs lantla tu anán sampi xlá ankalhíná xlamá masqui hasta acxni ni naj tú xanán xtamalacatzuquín. ¹⁶Pacs lantla tu anán catiyatna, xahuá c-akapún, xlá pacs maktlahuanít, chuná huantu tasiyuy, xahuá huantu ni tasiyuy, na chuná huantu lamakó catíhua maktakalhnán huanti masqui ni tasiyukoy mapaksinankoy, chu kalhikoy tlanca liłihuaka laquimpí namalanankoy caunín; xlá pacs maktlahuanít laquimpí huá nalakchankoy, chu namapaksiyoy. ¹⁷Cristo ucláta xlamá hasta acxni ni naj tú xamalacatzuquiy Dios, chu huantu chiyú anán, huá chunacú liñantilhay caj xpalacata cumu

chuná xlá lacasquínit. ¹⁸Quin huantí aya lipahuanitahu Cristo litaxtuyahu xtachuná la xmacni chatuma chixcú, chu huá litaxtuy quiaxkekacán, sampi xlá quincapuxcunimán, chu quincamaxquimán latámat. Chumpi xlá huantí ankalhín quincapulanimán, huá xakasiya lakastakuánalh calínín laquimpí stalanca nalicatziyahu pí huá xlicana kalhiy tlanca xlatatzúcut.

¹⁹Sampi chuná lacásquilh Dios pí pacs huantu kalhiy lantla xliDios, chu tlanca xlatatzúcut, xahua tlanca xlitlihuaka, antá stalanca natasiyuy c-xlatamat Cristo. ²⁰Chu na lacásquilh Dios pí hua Cristo namalakspuy huantu xlaklakalhínit tatancsni c-xlakstipan Dios, chu xlipacs huantu anán c-xlicatlanca catiyatna, chu hasta masqui c-akapún. Xlicana pí caj xpalacata xkalhni Cristo huantu stajmákalh acxni nilh c-cruz, huá chú lithui tapaxuhuán laquimpí tachixcuhuítat masqui tlahuakonit talakalhín tlan chú nalaktalacatzuhikoy Dios, chu nialh napēcuanikoy.

²¹Xalipulana, huixín caj xpalacata huantu lixcajnit talakalhín xtlahuayátit, c-mintapuhuancán xquitaxtuyátit pí xtlamakasitziyátit Dios, chu na xlitaxtuyátit pí nī xtapaksiniyátit, chu mákat xlapanítit lantla xaktzankatayanítantit.

²²Huampi huá chú Dios aya lipaxuhu camalacatzuhuinítan caj xpalacata cumu hua Cristo lhuhua huantu pátihl c-xmacni acxni nilh quimpalacatacán c-cruz. Huá chuná litláhuah laquimpí tlan nalaktalacatzuhuyahu Dios xtachuná lampala nialh tú lenahu quintalakalhincán tú naquincamastuntlahuayán c-xlatatín. ²³Huampi laquimpí chuná naquixtuy talacasquín pí chunatiyá akstítum nalipahuanátit, chu niucxni tilítamakaxtakátit

pala tú nacamalactlahuiniyán lantla canajlayátit huantu camalacnunicanítantit acxni lipahuanítit yama lipaxuhu tachihuín huantu mastay laktáxtut acxni calitakalhchihuínancántit. Huatiyá yuma tachihuín huantu liakchihuínamaca lantla xlicatlanca, chu quit Pablo na huá cliakchihuínantlahuán.

Pablo lipaxuhu lisucjkoy huantí lipahuanakoy Jesús

²⁴Luhua cana clipaxuhuay huantu quilakchán tapatín caj xpalacata ccaliscuján huixín huantí lipahuanátit Cristo, sampi ccatziy pí chuná climakatzima c-quimacni huatiya yama xtapatín Cristo huantu lipátihl xpalacatacan kamputum canajlanín, huachá tī lantla xkamputumcán litalacastuckoy xtachuná aktumínica xmacni. ²⁵Dios quililacsacnit pí naclitaxtuy cscujni laquimpí tlan naccaliscuján huixín huantí lipahuanátit Cristo, chu huantu tlan, chu xatakatzín naccalimaakataksniyán xtachihuín. ²⁶Yuma xtalacapastacni lantla naquincalakmaxtuyán hasta xamakan quilhtamacú aya tzeq xlihlhcahuilínit lantla natlahuay masqui nī naj tī xmacatzinikoy tachixcuhuítat lantla luhua nakantaxtuy, huampi hua chú lacasquín pí lihuana nacatziyátit xlipacs huixín huantí lipahuanátit, chu macamaxquítit milatamatcán. ²⁷Huampi masqui xapulana tzeq xuilínit yama lipaxuhu xtalacapastacni lantla xlihlhcanit nacalakmaxtuyán huixín huantí nī judíos, huá chú camalakapasniputunán laquimpí tlan naakataksátit lantla xlihlanca liacni huantu camalacnuniyán. Sampi xlicana liacni tamá pí caj xpalacata cumu huá chú tahuanítantit Cristo huixín tlan lipaxuhu kalhkalhitiyátit miakaputaxtutcán.

²⁸Huá xpalacata quin tancs clĭakchihiuĭnamahu xtachihiuĭn Cristo, chu cmasiyuyahu hasta antani macalay quintastacacán, lantla lacasquín akstĭtum nalatamakoy huanti lipahuankonit, laquimpi acxni naccalichanán c-xlacatin Dios, ccamacamastaputunkoyán lantla ti pacs catziyátit tu milicatziťcán xpalacata Cristo. ²⁹Chu laquimpi tlan nacmakantaxtiy quintascújut luhua fuerza clitlahuaniy xlipacs quilĭtlihuaka lantla Cristo quimaxquiy yama lićacni xlitlihuaka tu kalhiy.

2 Quit clacasquín pi nacatziyátit lantla lipecua clacapastaca tu nacllahuay mimpalacatacán, xlipacs huixín xala c-Colosas, na chuná xlipacs huanti lipahuankoy Cristo lacatzú c-Laodicea, chu hasta makapitzin huanti ni aqiuicxilhkoy, chu ni quilakapaskoy. ²Csquniy liťlán Dios pi la huixín, cumu la xlipacs huanti lipahuankoy Jesús, chunatiyá caakpuhuantĭťit c-minacucán, na chunatiyá calapaxquítit, cakalhĭťit xatlan talacapastacni laquimpi lihuana naakataksátit xlipacs huantu xamakan quilhtamacú tzeķ xuilĭnitanchá xtalacapastacni, masqui xlá aya chunatiyá xliľhcahuilĭnit pi hua Cristo tlan namalakapasninán. ³Sampi c-xlatamat Cristo stalanca tasiyuy lantla tlanca xlićacni xtastácat, chu tlanca xtalacapastacni Dios sampi huá macamaxquikoniť. ⁴Huá xpalacata chuná ccalĭhuanimán laquimpi niťi nacaliakskahuimiyan acxni pala tú ya tachihiuĭn nacaĭhuanicanátit. ⁵Pus masqui lantla chú ni antá ccatahuilachán xachatumĭnica, cacatzĭťit pi antá cataľamachán ccalacapastaclacanán, xahuachĭ quit luhua cana cliľaxuhuay pi huixín akstĭtum lapátit, chu chunatiyá tancs lipahuanátit Cristo.

Dios quincamaxquinitán xasasti quilatamatcán

⁶Cumu huixín matľanĭťit Jesucristo nacaľakmaxtuyán, chu

Mimpuchinacán nahuán, pus na chuná chú niucxnicú caakxtakmakántit huata akstĭtum calipahuántit. ⁷Liľhuana calĭchipaxnántit mintacanajlacán xtachuná lantla aktum quihui liľhuana lićhipaxnán xtankáķeka, xlipacs minacucán calipahuántit xtachuná lantla calĭťakalĭhchihiuĭnancántit, chu ankahlĭn capaxcatcatzĭnitit Dios huantu tlahuama c-milatamatcán.

⁸Luhua cuĭntaj cacatlahuacántit pi niťi nacaliakskahuimiyan huantu ni kalhiy xtaluloktat tachihiuĭn, masqui lacuán, chu laksakalalán takaxmata, sampi tamá huanti chuná liľkalĭhchihiuĭnamakó ni antá quilhtmakó c-xtalacapastacni Cristo, huata huá lićhihiuĭnankoy huantu mintĭľhanĭťanchá xtasmanĭncán, chu caj xachunata xtalacapastacnicán huanti luhua akchĭpanamputún unú catuxáhuat.

⁹Sampi xlipacs hua lantla Dios xliťDios, chu lantla kalhiy tlanca xlitlihuaka, chu xtalacapastacni, stalanca tasiyuy c-xlatamat Cristo. ¹⁰Chú Dios lama c-milatamatcán caj xpalacata cumu huá lipahuanátit Cristo, chu maxctum ľhuanĭťántit, sampi huá puxcunaniľkoy xlipacs lantla chá ti mapaksinanĭn espĭritus huanti masqui ni tasiyukoy maľanankoy catuxáhuat, chu c-akapún. ¹¹Chu na chuna ľitum caj xpalacata lipahuanátit Cristo huixín lakmakántit pacs lantla tu niťlán xtatlahuaputu huantu xkalhiyátit mintayacán, huampi hua yumá ni antá tasiyuy c-mimacnicán lantla puhuankoy makapitzin judíos huanti chucunica actzú xtiyatlihua acxni circuncidartlahuakoy cskatacán, huampi mimpalacatacán xtachuná quĭtaxtuy pi c-minacucán xtachuná chucumakanicanĭťántit pacs tu niťlán laquimpi chuná namasiyuyátit c-milatamatcán pi hua chú aktum tanu, chu akstĭtum ľatámat nalĭľatapayátit chuná lantla lacasquín Cristo. ¹²Hasta

acxn̄i huixín takmunútít quítaxtuy p̄i acxtum t̄at̄acnútít Cristo c-xtahuaxn̄i, huamp̄i n̄a quítaxtuy p̄i acxtum t̄alakastakuanántít cal̄ín̄n s̄ampi canajlayátít p̄i yam̄a tlanca x̄l̄it̄lihuaka Dios huant̄u l̄im̄alakastakuán̄ilh cal̄ín̄n, n̄a scujm̄a c-milatamatcán. ¹³Xapulana huixín xaktzankat̄ayán, usu xt̄achuná nin̄n xlapátít caj xpalacata huant̄u xkalhiyátít xal̄ixcajn̄it mintal̄akalhincán, ch̄u p̄i huixín n̄i judíos lacachint̄it n̄i xkalhiyátít x̄lim̄apaks̄in t̄u nam̄akantaxtiyátít. Huamp̄i n̄ialh chuná lapátít s̄ampi hūa ch̄u Dios cam̄axqūin̄it̄an xas̄asti milatamatcán xt̄achuná lant̄la máxqūilh Cristo acxn̄i mal̄akastakuán̄ilh cal̄ín̄n, ch̄u n̄a caj xpalacata Cristo x̄l̄a cam̄atzankan̄an̄in xlipacs mintal̄akalhincán. ¹⁴Lant̄la tatzoktahuilan̄it c-x̄lim̄apaks̄in Dios p̄i huant̄i n̄i nam̄akantaxtiy huant̄u ant̄a huan, naxokón̄an caj xpalacata xtal̄akalh̄in, huamp̄i Dios t̄lan tl̄áhuah̄ p̄i hūa naxokón̄an̄iy Cristo xpalacata quintal̄akalhincán huant̄u xtlahuan̄it̄ahu, ch̄u quítaxtuy p̄i x̄lakahuilanihu, s̄ampi x̄l̄a tam̄ast̄alh̄ naxtokohuacacán c-cruz. Xt̄achuná quítaxtuy p̄i hūa quintal̄akalh̄in pacs ant̄a taxtokohuacakōca Cristo c-cruz. ¹⁵Caj xpalacata p̄i Cristo n̄ilh c-cruz quimp̄alacatacán, Dios chuná l̄imakat̄lajakol̄h xlipacs yam̄a akskahuin̄in huant̄i n̄i tasiyuy huamp̄i kal̄h̄ikoy l̄it̄lihuaka, ch̄u l̄im̄apaks̄in caun̄in, ch̄u mam̄axan̄ikol̄h c-x̄l̄acatin̄can l̄ilh̄uhua laqūimpi pacs t̄lan naucxilh̄koy.

Caj xman hūa cal̄itzaksahu lant̄la nakalhiȳahu huant̄u anán c-akap̄un

¹⁶Can̄a huixín, cūintaj catlahuátít p̄i nit̄i nac̄amakacanajlayán pala nac̄ahuanicanátít huant̄u luhua at̄zin̄i mil̄imakantaxtītcán c-milatamatcán, chuná pala t̄u l̄ihuayátít, usu

l̄ikotnan̄átít, pala t̄u ya quilhtamac̄u tucuhuin̄i nal̄im̄axtuyátít laqūimpi nam̄apascuajniyátít, usu pala lant̄la acxn̄i skatanán, usu acxn̄i l̄ihuancán pala t̄i nascuja. ¹⁷Xlipacs yum̄a huant̄u chuná xtlahuakoy judíos, Dios chuná x̄lim̄apaks̄ikon̄it laqūimpi nal̄il̄acapistackoy huant̄u al̄ist̄alh̄ namakl̄ht̄inankoy x̄l̄akskat̄an, huamp̄i cumu ch̄u aya qūilan̄it̄anch̄i Cristo xlipacs yum̄a huant̄u qūil̄it̄lahuatcán xuan̄it̄ n̄ialh t̄u x̄lakasi. ¹⁸N̄i catamast̄átít nac̄aakskahuimiyán tama huant̄i mas̄iyukoy tanuj talacapistacni, huant̄i huankoy p̄i luhua xafuerza nalakataqūilh̄putacán ángeles, ch̄u luhua tlanca catz̄ikoy caj xpalacata t̄u mat Dios l̄im̄alacahuanīkon̄it, huamp̄i n̄i hūa xtaluloktat Dios huant̄u l̄ich̄ihūinankoy, huamp̄i huata caj xman hūa xtalacapistacnicán huant̄u acstupalacsacxtukon̄it. ¹⁹Huant̄i chuná kal̄h̄ikoy xtalacapistacnicán quítaxtuy p̄i n̄ialh lacasquinkoy namapaks̄ikoy xp̄uxcucán, s̄ampi quin huant̄i l̄ipahuanāhu Cristo l̄it̄axtuyahu xt̄achuná lant̄la xmacni, ch̄u x̄l̄a l̄it̄axtuy qūiak̄xekacán huant̄i qūincap̄uxculen̄an̄ laqūimpi acxtum t̄lan nalatamayahu, ch̄u nalamakt̄ayayahu c-quintacanajlacán xt̄achuná lant̄la l̄ilh̄cahuil̄in̄it Dios naquincamakt̄ayayán.

²⁰Lap̄i x̄licanā p̄i huixín aya acxtum tan̄in̄it̄ántít Cristo, ch̄u ant̄a l̄áksput̄li lant̄la natzaksayátít nam̄akantaxtiyátít huant̄u nit̄i x̄lakasi, caj l̄il̄akaputza xtasman̄in̄can ch̄ixcuh̄in̄ laqūimpi chuná nalakm̄axtuyátít mil̄istacnacán, it̄úhuan ch̄inch̄u xpalacata chunatiȳa tim̄akantaxtiyátít huant̄u l̄il̄akaputza xtalacapistacnican ch̄ixcuh̄in̄, ²¹xt̄achuná l̄a huancán: “n̄i caxamátít yuma tip̄atu s̄ampi l̄ihuancán”, “N̄i cal̄ihuayántít tam̄a tahuay”, “n̄i cal̄ixamátít mimacancán s̄ampi nam̄axcajualiyan̄, ch̄u nal̄akalh̄iy

milistacna”? Chu acxni chuná lihuancán huí tì pacs canajlaputún. ²²Xlipacs tamá limapaksín caj xtalacapastacnicán chixcuhuín, nì lay lacuán chixcuhuín naquincalimuxtuyán, usu nalakpalikoy xalixcainit quintalacapastacnicán, sampi acxni tú nalilaya, usu tú nalitlahuaya, antiyá quitamactay, sampi acxnitiyá laksputa, usu laclay. ²³Xlicana pi huanti chuná masiyuy, takaxmata lampala acstaca tachihuín sampi mat naquincamaktayayan lantla tlak tlan cacinanín naquincalimuxtuyán, hasta huankoy lantla caj kas naacstumacatzanicanañu c-quintiyatlíhuacán laquimpi cax smalhua nahuanahu acxni lakataquilhputananahu, huampi antiyá quitamactay sampi nì tzinú huá quincamaktayayan malaksputuyahu yamá huantu xlicana maxcaxjaly quilitstacnacán, chu nì natlahuayahu nitlān xtatlahuaputu quintiyatlíhuacán.

3 Huá xpalacata, quit ccalihuanian, cumu huixín xtachuná pi aya talakastakuananítantit Cristo calín, chu kalhiyátit sasti latámat, pus hua chú tì militlahuatcán pi caj xman huá catzaksátit lantla nakalhiyátit huantu anán c-akapún antani huilachá cristo c-xpaxtun Quintlatican Dios. ²Caj xman huá caucxilhlacachipítit huantu anán c-akapún, chu nì huantu unú anán catiyatna. ³Sampi huixín xtachuná pi aya taninítantit Cristo, quitaxtuy pi milatamatcán huantu xapulana xlipapátit aya laksputnit, chu hua chú yamá xasasti latámat huantu kalhiyátit, huá likalhiyátit sampi milatamatcán macxtum tahuaniítantit xlatamat Cristo, na xtachuná lantla xlatamat Cristo macxtum tahuaniítantit xlatamat Dios. ⁴Huá xpalacata acxni Cristo, huanti camaxquín xasasti milatámat, namimpalay xlimaktuy, huixín na natapaxuhuayátit c-lilakatit xputacacchin antani xlá huí.

Pablo lacasquín pi colosenses huá calilatamakolh xasasti xlatamatcán

⁵Quit ccahuanian pi maktum calakmakántit xlipacs huantu nitlān xtlahuayátit: nialh pala chatum tì caxakátlih tanuj puscát pala huí xpuscát, usu xchixcú, chu nití catlāhualh huantu nì mininiy, na nì caj xman huá caputzatakchokótit lantla namakapaxuhuayátit mimacnicán, na nì pala cata catuhua calakpuhualacapítit huantu stlan nakalhiyátit catuxáhuat, lapi chuná xtlahuátit quitaxtuy pi huata huá luhua xlitakatzankátit xtachuná lantla mimpuchinacán tlahuayátit. ⁶Dios luhua snun xcainiy, chu nì ucxilhputunkoy xlipacs huanti chuná lamakó, chu hasta namapatinikoy huanti caj xman lakachixcuhimakanakoy. ⁷Xlipacs yumá huantu ccahuaninítan pi nitlān, na huá umincha quilhtamacú xmaktlahuayátit acxni nì xalipahuanátit Cristo. ⁸Huampi hua chú pacs lakmakankótit tamá huantu nì camininiyán, xtachuná la tasitzín, takahu, talalikamán, chu talamakasitzín, chu tì caj aklakuá, chu laclixcainit tachihuín xuanátit. ⁹Nití calalixakahuipítit sampi huixín aya titaxtuninítantit huantu xamakán xlipapátit mintapuhuancán, xahuá huantu lixcájnít xtlahuayátit. ¹⁰Hua chú aya catzaksátit hua lantla akstitum nalatapayátit sampi xasasti kalhiyátit mintayacán huantu Dios camaxquín, chu chalí chalí sastimpátit hasta lantla lihuana nalakapasátit lantla lacasquín nalatamayahu Dios huanti quincamalacatzuquinítan. ¹¹Hua chú nialh luhua xafuerza pala huix griego, usuchí judío, chuná pala circuncidarlanita xtachuná lantla tlahuakoy judíos, usu nití circuncidarlanita; pala huix xala mákat tanitampi, usu caj lacatzú quintahuila la quintachiqui; pala calakuán lápat, usu pala tamahuacanita laquimpi namascujucana xtachuná la tachín,

tamá nialh tú huamputún, usu kalhiy xlakasi, huata xman huá kalhiy xlakasi pi nalipahuanahu Cristo, sampi xlá acxtum quincalakalhamanán, chu lacxtum quincalipulhcayán.

¹²Dios luhua lipecua capaxquiyán, chu calacsacnitán laquimpi pacs xlakskatán nalitaxtuyátit. Pus huantu akstitum calatapátit, calalakalhamántit, tlan cacatzítit, cacs calacahuántit, ni tuncán casitzítit pala tí calahua nacahuaniyán.

¹³Capaxuhuanalipini pala huí tí natlahuaníyán huantu nitlán, huix ni casitzini, huata camatzankanani, xtachuná lantla quincamatzankananinitán Cristo na chuná calamatzankananihu.

¹⁴Huampi huantu luhua atzinú nacamaakstitumiliyán pi xaxlicana nalakalhiniyátit tapaxquítat, sampi hua yumá tu xlicana macxtum tlahuanán.

¹⁵Chu hua Cristo cacamaxquín tatancsni c-minacucán, sampi huá calilacsacnitán Dios laquimpi nalitaxtuyátit huatiyá aktum xmacni Cristo, huá xpalacata ccalihuaníyán pi niucxni tipatzankayátit lantla napaxcatcatziniyátit huantu tlahuani c-milatamatcán.

¹⁶Niucxni capatzankátit tama lilakatit xtachihuín Cristo tu mastay laktáxtut, antiyá catahui c-minacucán la xamalaná. Calamaakpuhuanitínit nalipahuanátit, chu tancs calalitakalhchihiuinántit xtachihuín lantla tí xlicana lakapasa. Xankalhín calimaxquítit paxcatcatzínit Dios lantla lipaxuhu natliniyátit salmos, xahua lacuan tatlin tu nalimaxquiyátit cactni. ¹⁷Na xlipacs huantu tlahuátit, usu xlichihuínántit, cacatzítit pi hua Cristo makapaxuhuapátit, chu chuná calipaxcatcatzínit Quintlatican Dios caj xpalacata Cristo.

**Pablo lacasquín pi acxtum
calakalhakaxmatkolh
huantu lalimapaksikoy**

¹⁸Huixín lacchaján huanti puchuhuayátit, lipaxuhu

calakachixcuhuítit minchixcucán, sampi xlicana hua yumá lakatiy Quimpuchinacán acxtum nalamaktayalipinátit huixín huanti lipahuanátit. ¹⁹Chu huixín chixcuhuín huanti puchuhuayátit, huantu tlan capaxquikótit, chu calakalhamankótit mimpuscacán, chu lacatitum catachihuínántit, ni caj casitzínit.

²⁰Na chuná huixín camán huanti huí minatlatnacán, lipaxuhu cakalhakaxpátit huantu calimapaksicanátit, sampi xlicana pi chuná lakatiy Quimpuchinacán.

²¹Na chuná huixín xanatlatna huanti huilakó mincamancán, ni huatiyá pi calacaquilhnikótit mincamancán laquimpi ni caj tlakaj nalakoy, chu napuhuanokoy pi ni paxquikocán.

²²Xlipacs huanti tamahuakocanit mascujumakoxtachuná la tachín, lipaxuhu cakalhakaxpátit huanti camascujumán, xaljanakalhín tancs cascujnítit, ni caj xman acxni man caucxilhmán, huampi xlipacs minacucán cascujtít, cacatzítit xtachuná lampala hua Cristo scujnipátit.

²³Xlipacs huantu xlicujtít, xlipacs mintapaxuhuancán nalitlahuayátit, lacatancs cacatzítit xtachuná lampala huá scujnipátit Quimpuchinacán, chu ni hua chixcuhuín. ²⁴Cacatzítit pi hua Quimpuchinacán nacamaxquiyán mintataquincán huantu xlá malacnunit namaxquikoy xlipacs huanti nalipahuankoy. Sampi huá liscujpátit Cristo huanti xaxlicana mimalanacán ti nakalhakaxpatátit huantu xlá calimascujuyán. ²⁵Huampi xlipacs huanti caj xman huá tlahuamakó talakalhín, xlacán na namaklhtinankoy xtaskahucán, huampi caj namaxokonikocán chuná lantla mininiy xlipacs huantu nitlán tlahuakonit, sampi xlá ni caj lacsacpaxquínán.

4

Na chuná huixín malananín huanti kalhiyátit xatastan miscujnicán,

chü mascujukoyátit lantla lacasquinátit, tlan cacatzinikótit, chü nî taji tlihuaka caaktlakahuacakótit, sampi lacatancs cacatzítit pi huixín na nacatatlahuayán cuenta acxnî namacamastayátit mintascujutcán c-xlacatín yama chatum Quimpuchinacán huanti huilachá c-akapún, xlipacs huantu tlahuanítántit unú catuxáhuat.

²Ankahlín catlahuátit mioracioncán, nî cataxlajuanítit, chü capaxcatcatzínítit caj xpalacata huantu tlahuanit c-milatamatcán.

³Chü na ccasquiniyán liltán pi naquincapalacasquinátit c-mioracioncán, laquimpi hua Quimpuchinacán namapuhuanikoy tachixcuhuítat pi camalacquiKolh xnacucán laquimpi quin tlan nacljakchihuinanikoyahu xtachihuín Cristo huanti lhuahua xlacán nî alakapaskoy, huachá tu clipatínamajcú c-pulachín. ⁴Casquinítit Dios pi caquimaktáyalh laquimpi huantu tlan naclitakalhchihuínankoy, chü lacatancs nacmasiyuy xtalacapistacni chuná lantla quililtláhuat.

⁵Caná huixín, nî calimakaxtáktit quilhtamacú caj chunatá natitaxtuy, huata caputzátit lantla tancs natakalhchihuínankoyátit huanti nî lipahuanoy Cristo. ⁶Acxnî natakalhchihuínankoyátit nî caj aklakuá tu tihuanikoyátit, huata lacatitum calichihuínántit tachihuín huantu makapaxuhuanan, chü pala huí tí tú cakalhasquinán tancs cakalhtítit lantla caminiyán.

Pablo áhuatá xakatli lacán

⁷Hua quintalacan Tíquico huanti lipaxuhu quimaktayani lantla cscujnanimá Quintlaticán, man nacaleniyáchán yuma quincarta, chü nacalitachihiuanán lantla quit clama. ⁸Huá xpalacata ccalimalakachanimachán laquimpi

nacahuaniyán pi tlan clama hu, chü chuná huixín nakalhiyátit tapaxuhuan.

⁹Hua acxtum ctamacamachá Onésimo ti na luhua cpaxquiyahu, yuma quintalacán na chuná luhua acxtum quincamaktayamán, masqui xlicana pi huá xapulana antá lacxtum xcatalamachán. Hua xlacán nacalit akalhchihuínanachán lantla tú unú cliscujmahu.

¹⁰Quintalacan Aristarco, huanti acxtum ctatanuma c-pulachín, lipaxuhu caxakatli lacamachán, na chuná Marcos xtapuxnimat Bernabé. Huixín aya catziyátit xatí tama Marcos, pus acxnî xlá nacalakanachán lipaxuhu namakamaklhtinanátit. ¹¹Na chuná lipaxuhu caxakatli lacamachán quintalacan Jesús huanti na litapacuhuiy Justo. Hua lantla xlipacs natalanín judíos ti lipahuanoy Jesús, caj xman hua yuma kalhatutu huanti chú quimaktayamakó lantla nacljakchihuínanahu xtapaksit Dios, chü luhua xlicana clipaxuhuay lantla tancs quimaktayakonit. ¹²Chü na chuná caxakatli lacamachán chatum xala c-mincachiquincán, yunú liscujma Quimpuchinacán huanicán Epafra. Xlá anklhín calacapistacmán acxnî ctlahuayahua oración, capalacasquinán pi chunatiyá akstítum nalipahuanátit, chü xlipacs minacucán natlahuayátit xtalacasquin Dios. ¹³Xlicana pi quit tlan cmaululoka lantla calacapistacán Epafra, chü na chuná natalanín ti xalanín c-Laodicea chü c-Hierápolis. ¹⁴Chü na lipaxuhu caxakatli lacamachán xatapaxquin doctor Lucas, xahua Demas.

¹⁵Catlahuátit liltán caquixakatlinikótit tama natalanín huanti huilakó c-Laodicea. Na chuná caquixakatlinipítit Ninfa, chü xlipacs yama natalanín huanti tamacxtumikoy c-xchic. ¹⁶Acxnî chú huixín nalikalhtahuakakoyátit

yumá quincarta, catlahuátit lītlan
 chuná camacapinikopítit natałanín
 tī tamakstokkoy c-Laodicea laquĩmpĩ
 nā nalikalhtahuakakoy xlacán. Chu
 antá nā nacamaxquipalacanátit
 mactum lītum quincarta, pus
 camaklhtĩnampítit laquĩmpĩ
 nalikalhtahuakayátit. ¹⁷ Catlahuátit
 lītlan cahuanítit quintalacan Arquipo
 pĩ cmacanimachá tachiuhĩn, chu
 chuná cuaniy: “Cana huix, luhua

catlahua lītlan, lihuana camakántaxtĩ
 mintascújut huantũ lĩlacsacnĩtán
 Quimpũchinacán.”

¹⁸ Pus chú quit, Pablo, man
 quimacán, chu quiletra ccalĩtzoknimán
 yumá ahuatiyá actzũ tachiuhĩn
 huantũ naccahuaniyán. iNiucxnĩ
 tipatzankayátit pĩ quit ctanũmā
 c-pulachĩn! Clacasquĩn pĩ Dios
 ankalhĩn, chu xcátzĩt nacasiculanatlah
 uayán.